

VENDIM
Nr. 28, datë 14.2.2022

MBI KËRKESËN E OSSH SHA, PËR NDRYSHIMIN E VENDIMIT TË ERE-s NR. 181, DATË 23.11.2016, "PËR DISA NDRYSHIME NË VENDIMIN NR. 104, DATË 23.6.2016, TË BORDIT TË ERE-s, 'MBI PËRCAKTIMIN E METODOLOGJISË SË VLERAVE REFERUESE, NË RAST SE TË DHËNAT E MATJES JANË PËRKOHËSISHT TË PADISPONUESHME DHE TË PAARRITSHME, SI DHE MBI SHFUQIZIMIN E VENDIMEVE TË ERE-s NR. 49, DATË 21.10.2004, DHE NR. 146, DATË 24.12.2013"

(ndryshuar me vendimin nr. 339, datë 21.12.2022)

(i përditësuar)

Në mbështetje të nenit 16 dhe nenit 76, pika 4, të ligjit nr. 43/2015, "Për sektorin e energjisë elektrike", i ndryshuar; neneve 15 dhe 26, të rregullores "Për organizimin, funksionimin dhe procedurat e ERE-s", miratuar me vendimin e Bordit të Entit Rregullator të Energjisë (ERE) nr. 96, datë 3.9.2016, Bordi i ERE-s, në mbledhjen e tij të datës 14.2.2022, mbasi shqyrtoi relacionin e përgatitur nga drejtoritë teknike, me nr. 128/4 prot., datë 24.1.2022, "Mbi shqyrtimin e kërkesës së OSSH sh.a., për ndryshimin e vendimit të ERE-s nr. 181, datë 23.11.2016, 'Për disa ndryshime në vendimin nr. 104, datë 23.6.2016, të Bordit të ERE-s, 'Mbi përcaktimin e metodologjisë së vlerave referuese në rast se të dhënat e matjes janë përkohësisht të padisponueshme dhe të paarritshme, si dhe mbi shfuqizimin e vendimeve të ERE-s nr. 49, datë 21.10.2004 dhe nr. 146, datë 24.12.2013'" dhe informacionin shtesë nr. 128/4-1 prot., datë 4.2.2022,

konstatoi se:

- OSSH sh.a., me shkresën nr. 4927/2 prot., datë 12.7.2021, pasi ka evidentuar dhe konsideruar problematikën në formulimin e pikës 2, germa "a", të vendimit të ERE-s nr. 181, datë 23.11.2016, "Për disa ndryshime në vendimin nr. 104, datë 23.6.2016, të Bordit të ERE-s, 'Mbi përcaktimin e metodologjisë së vlerave referuese në rast se të dhënat e matjes janë përkohësisht të padisponueshme dhe të paarritshme, si dhe mbi shfuqizimin e vendimeve të ERE-s nr. 49, datë 21.10.2004 dhe nr. 146, datë 24.12.2013'", ka propozuar ndryshimin si vijon: "Kjo vlerë do të përllogaritet bazuar në të njëjtin konsum të muajit respektiv të vitit të mëparshëm. Periudha e faturimit sipas këtyre vlerave referuese nuk mund të zgjasë me shumë se tre muaj".

- Në zbatim të urdhrit të kryetarit të ERE-s nr. 51, më datë 6.8.2021, ERE zhvilloi një seancë dëgjimore me përfaqësues të OSSH sh.a. Në këtë seancë, OSSH sh.a., iu kërkuar shpjegime lidhur me ndikimin e llojit të aktivitetit dhe shërbimin e shpërndarjes së energjisë elektrike. OSSH sh.a., nuk paraqiti ndonjë të dhënë lidhur me ndikimin që ka lloji i aktivitetit të subjektit për Operatorin e Sistemit që ofron shërbimin në mënyrë të barabartë për të gjithë klientët e lidhur në sistemin e shpërndarjes.

- Bordi i ERE-s, me vendimin nr. 217, datë 27.10.2021, vendosi fillimin e procedurës për shqyrtimin e kërkesës së Operatorit të Sistemit të Shpërndarjes (OSSH) sh.a., për ndryshimin e vendimit të ERE-s nr. 181, datë 23.11.2016, "Për disa ndryshime në vendimin nr. 104, datë 23.6.2016, të Bordit të ERE-s, 'Mbi përcaktimin e metodologjisë së vlerave referuese në rast se të dhënat e matjes janë përkohësisht të padisponueshme dhe të paarritshme, si dhe mbi shfuqizimin e vendimeve të ERE-s nr. 49, datë 21.10.2004 dhe nr. 146, datë 24.12.2013".

- ERE, nëpërmjet shkresës nr. 715/4 prot., datë 4.11.2021, ka kërkuar marrjen e opinionëve dhe komenteve nga një numër i madh palësh interesi, lidhur me nisjen e procedurës me miratimin e vendimit të Bordit të ERE-s nr. 217/2021.

- ERE, duke marrë në konsideratë faktin se lloji i aktivitetit ndikon më shumë furnizuesit dhe në mënyrë të drejtpërdrejtë FSHU sh.a., që faturon konsumatorët në tregun e rregulluar sipas çmimeve të miratuara nga ERE, sipas kategorive të konsumatorëve, me shkresën nr. 715/4 prot., datë 4.11.2021, ka kërkuar vlerësimin dhe opinionin e një numri të madh furnizuesish të licencuar përfshirë dhe FSHU sh.a. Asnjë nga këta furnizues nuk ka dhënë komente apo opinione lidhur me këtë propozim të OSSH sh.a., përfshirë këtu dhe FSHU sh.a.

- Përveç sa më sipër, në faqen e internetit të ERE-s në rubrikën “Konsultime” është publikuar propozimi i OSSH sh.a., për ndryshimin e vendimit të Bordit të ERE-s nr. 181/2016, si dhe qëndrimi i Autoritetit të Konkurrencës i shprehur nëpërmjet shkresës nr. 471/2 prot., datë 7.12.2021, si përgjigje ndaj shkresës së ERE-s nr. 715/4 prot., datë 4.11.2021.

- Në vijim të procesit të konsultimeve, palët e interesit kanë dërguar në ERE qëndrimet përkatëse si më poshtë:

- Ministria se Infrastrukturës dhe Energjisë, nëpërmjet shkresës nr. 8013/1 prot., datë 16.12.2021 ka parashtruar se: “Ministria e Infrastrukturës dhe Energjisë, pasi u njoh me propozimet e Operatorit të Sistemit të Shpërndarjes sh.a., të publikuara në faqen e internetit të Entit Rregullator në zërin ‘Konsultime’, shprehet dakord për vijimin e procedurës nga ana juaj, bazuar në vendimin nr. 217, datë 27.10.2021, të Bordit të ERE-s, dhe në zbatim të ligjit nr. 43/2015, ‘Për sektorin e energjisë elektrike’, të ndryshuar, dhe akteve nënligjore të dala në zbatim të tij”.

- Autoriteti i Konkurrencës, nëpërmjet shkresës nr. 471/2 prot., datë 7.12.2021, ka parashtruar se: “... Nga sa më sipër, arrijmë në përfundimin se kjo procedurë është në mbështetje të neneve 16 dhe 76, pika 4, të ligjit nr. 43/2015, “Për sektorin e energjisë elektrike”, i ndryshuar; dhe neneve 15, 19 dhe 26, të rregullores “Për organizimin, funksionimin dhe procedurat e ERE-s”, miratuar me vendimin e Bordit të Entit Rregullator të Energjisë (ERE), nr. 96, data 17.6.2016. Nga vlerësimi i këtij vendimi konstatohet se kjo procedurë nuk bie në kundërshtim me ligjin nr. 9121, datë 28.7.2003, ‘Për mbrojtjen e konkurrencës’, i ndryshuar”.

- OSSH sh.a., me shkresën nr. 10017/1 prot., datë 11.1.2022, protokolluar në ERE, me nr. 57 prot., datë 13.1.2022, parashtron se: “Duke qenë se OSSH sh.a. fillon ciklin e leximit të janarit 2022, mbetemi në pritje të vendimmarrjes finale nga ana juaj, në një kohë sa më shpejt në mënyrë aplikimin e metodologjisë së ndryshuar, duke filluar që në ciklin e parë të leximit për vitin 2022”.

- Lidhur me sa parashtruar nga OSSH sh.a., me shkresën nr. 10017/1 prot., datë 11.1.2022, është vlerësuar se përgjatë procesit të vendimmarrjes së ERE-s nuk ka asnjë vakum ligjor i cili pengon ecurinë e punës së Operatorit. Pretendimi për fillimin e aplikimit të kësaj metodologjie llogaritëse në janar 2022, është i parakohshëm dhe paragjykon vendimmarrjen finale të Bordit të ERE-s, e cila mund të jetë për pranimin apo rrëzimin e kërkesës së bërë nga OSSH sh.a.

- Lidhur mbi propozimin e OSSH sh.a., me shkresën nr. 4927/2 prot., datë 12.7.2021, lidhur me problematikën në formulimin e pikës 2, germa “a”, të vendimit të ERE-s nr. 181, datë 23.11.2016, vlerësojmë se:

- Riformulimi i cituar, nuk bie ndesh me nenin 76, pika 4, të ligjit nr. 43/2015, “Për sektorin e energjisë elektrike”, i ndryshuar, i cili parashikon se: “Në rast se të dhënat e matjes janë përkohësisht të padisponueshme ose të paarrtshme për një periudhë më të gjatë se 1 muaj, operatorët e rrjetit llogarisin vlera reference zëvendësuese, bazuar në metodologjinë e miratuar nga ERE. Periudha e zbatimit të vlerave referuese nuk mund të zgjasë më shumë se 3 muaj”. Pra, periudha e zbatimit të vlerave referuese, sikurse reflektuar nga shoqëria OSSH sh.a., nuk mund të zgjasë më shumë se 3 muaj, në përputhje me përcaktimet e ligjit nr. 43/2015, i ndryshuar.

- OSSH sh.a. vlerëson, se gjatë zbatimit të vendimeve të ERE-s, nr. 58/2020 dhe nr. 24/2021 ka përdorur vlerën referuese zëvendësuese, siç përcaktohet nga ERE në pikat respektive të këtyre vendimeve, të vetëm një viti më parë. Lidhur me këtë pretendim, vlerësohet se vendimi i ERE-s nr. 58/2020, është marrë në kushtet e emergjencës së pandemisë Covid-19. Në këto rrethana, duke qenë

se përgjatë vitit 2021 ERE ka vazhduar punën normalisht, për vitin 2022 mund të përdoren të dhënat e vitit 2021.

- Lidhur me vlerësimin e bërë nga OSSH sh.a., se: “në rast se konsumi që do të faturohet muajin aktual, duke u bazuar në 3 vitet e mëparshme, nuk do të jetë i saktë dhe përdoruesi do ta ankimojë, përsëri ky rekord do të mbetet në historikun e tij të faturimit, duke bërë që edhe në të ardhmen nëse do të jetë subjekt i kësaj mënyre faturimi, përlllogaritja do të jetë e gabuar”. Shpjegojmë se me mesataren vjetore apo me të njëjtin konsum mujor të një viti më parë, konsumi do të jetë real edhe nëse do të ketë muaj të keq faturuar (gjatë vitit), përsëri do të jenë bërë sistemit me ankesë nga përdoruesi apo pa ankesë, si rrjedhojë e procesit të leximit të matësit.

- Sa më sipër, rezulton se përdoruesit/konsumatorët janë faturuar sipas vendimit të ERE-s nr. 181/2016, “Mbi disa ndryshime në vendimin nr. 104, datë 23.6.2016, ‘Mbi përcaktimin e metodologjisë së vlerave referuese në rast se të dhënat e matjes janë përkohësisht të padisponueshme dhe të paarrtshme, si dhe mbi shfuqizimin e vendimeve të ERE-s nr. 49, datë 21.10.2004 dhe nr. 146, datë 24.12.2013’”, por në kushte specifike është realizuar faturimi sipas përcaktimeve të vendimeve të ERE-s, nr. 58/2020 dhe nr. 24/2021. Në këto rrethana, vlerësohet se propozimi i OSSH sh.a., të pranohet dhe të aplikohet për periudhën 15.2.2022 deri më 31.12.2022. Kjo periudhë kohore do të shërbejë për të vlerësuar nëse kjo metodologji do të sjellë rritjen e saktësisë së vlerave referuese.

- Përgjatë kësaj periudhe kohore, Operatorët e Sistemit të raportojnë në ERE periodikisht çdo 2 (dy) muaj për ecurinë e aplikimit të kësaj metodologjie.

- Lidhur me kërkesën e bërë nga OSSH sh.a., për ndryshimin e pikës 2, germa “b”, të vendimit të ERE-s nr. 181, datë 23.11.2016, e cila propozohet të bëhet “Për kontratat e furnizimit me energji elektrike që nuk kanë faturime të muajit referues të vitit të mëparshëm të konsumit me matje të energjisë elektrike, faturimi me vlera referuese të bëhet bazuar në mesataren e konsumit me matje të energjisë elektrike, të regjistruar gjatë 12 muajve të fundit, në sistemin e faturimit”, sqarojmë se ky ndryshim nuk adreson rastin kur konsumatorët nuk kanë referencë asnjë muaj të leximit të matjes së energjisë elektrike, si dhe kur konsumatorët kanë lexim matje të energjisë elektrike në një periudhë nga 1 (një) deri në 11 (njëmbëdhjetë) muaj.

- Lidhur me sa më sipër, vlerësohet se në rastin kur konsumatorët nuk kanë referencë asnjë muaj të leximit të matjes së energjisë elektrike është e pamundur që të aplikohet mekanizmi i vlerës referuese të muajit respektiv të vitit të mëparshëm apo ai i konsumit mesatar të matur. Në këto raste, mekanizmi i vetëm për aplikimin e vlerave referuese do të jetë faturimi me vlerë referuese 0 kWh, dhe sistemimi i faturës për këta konsumatorë do të realizohet në muajin pasardhës, ku të dhënat e matjes së energjisë elektrike janë të disponueshme.

- Në rastin kur konsumatorët kanë lexim matje të energjisë elektrike në një periudhë nga 1 (një) deri në 11 (njëmbëdhjetë) muaj, nuk mund të aplikohet mekanizmi i vlerës referuese të muajit respektiv të vitit të mëparshëm. Në këto raste, mekanizmi i vetëm për aplikimin e faturimit me vlerë referuese do të ishte faturimi me vlerën mesatare të konsumit për muajt e matur të konsumit të energjisë elektrike.

Për gjithë sa më sipër, Bordi i ERE-s

VENDOSI:

1. Pranimin e pjesshëm të kërkesës së bërë nga OSSH sh.a. për ndryshimin e vendimit të ERE-s nr. 181, datë 23.11.2016, “Për disa ndryshime në vendimin nr. 104, datë 23.6.2016, të Bordit të ERE-s, ‘Mbi përcaktimin e metodologjisë së vlerave referuese në rast se të dhënat e matjes janë përkohësisht të padisponueshme dhe të paarrtshme, si dhe mbi shfuqizimin e vendimeve të ERE-s nr. 49, datë 21.10.2004 dhe nr. 146, datë 24.12.2013’”.

2. Të miratojë disa ndryshime dhe shtesa në vendimin nr. 104, datë 23.6.2016, të Bordit të ERE-s, “Mbi përcaktimin e metodologjisë së vlerave referuese në rast se të dhënat e matjes janë përkohësisht të padisponueshme dhe të paarrtshme, si dhe mbi shfuqizimin e vendimeve të ERE-s nr. 49, datë 21.10.2004, dhe nr. 146, datë 24.12.2013”, i ndryshuar, si më poshtë:

Pika 2, ndryshon dhe bëhet:

a) Në rastet kur furnizuesi merr dijeni nga Operatori i Sistemit të Shpërndarjes se të dhënat e matjes janë përkohësisht të padisponueshme ose të paarrtshme për një periudhë më të gjatë se një muaj (matësi është i dëmtuar, matësi është jashtë kushtit teknik apo mungon aksesit në të dhënat e matjes), faturimi i energjisë elektrike do të bëhet me vlerë referuese. Kjo vlerë do të përlogaritet bazuar në të njëjtin konsum të muajit respektiv të vitit të mëparshëm. Periudha e faturimit sipas këtyre vlerave referuese nuk mund të zgjasë me shumë se tre muaj.

3. Pas germës “ç”, të vendimit të Bordit të ERE-s nr. 104/2016, i ndryshuar me vendimin nr. 181/2016, shtohen gerrat “d” dhe “dh”, me përmbajtjen si vijon:

d) Konsumatorët që nuk kanë referencë asnjë muaj të leximit të matjes së energjisë elektrike do të faturohen me vlerë referuese 0 kWh.

dh) Konsumatorët që kanë lexim me matje të energjisë elektrike në një periudhë nga 1 (një) deri në 11 (njëmbëdhjetë) muaj, do të faturohen me vlerë referuese bazuar në vlerën mesatare për muajt e matur të konsumit të energjisë elektrike.

4. *Ndryshimet e parashikuara në pikat 2 dhe 3 të vendimit nr. 28, datë 14.2.2022, i shtrijnë efektet juridike deri në një afat të pacaktuar.*

5. *Shfuqizuar.*

6. Për periudhën e përcaktuar në pikën 4, të këtij vendimi, furnizuesit të cilët lëshojnë faturë me vlerë referuese, të raportojnë në ERE periodikisht çdo 2 (dy) muaj, jo më vonë se data 20 e muajit pasardhës të periudhës së raportimit, në lidhje me gjetjet e tyre mbi këto modalitete faturimi duke përfshirë analizë krahasimore të ankesave të regjistruara përgjatë aplikimit, si dhe rezultatet e të dhënave reale të matjes.

7. Drejtoria e Mbrotjtjes së Konsumatorit, Performancës dhe Standardeve të njoftojë palët e interesit për vendimin e Bordit të ERE-s.

Ky vendim hyn në fuqi menjëherë.

Çdo palë e përfshirë në këtë procedurë mund t’i kërkojë ERE-s, brenda 7 ditëve kalendarike nga data e marrjes së vendimit, rishikimin e vendimit të Bordit në rast se ka siguruar prova të reja që mund ta çojnë Bordin në marrjen e një vendimi të ndryshëm nga i mëparshmi apo për gabime materiale të konstatuara. Për këtë vendim mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETAR
Petrit Ahmeti